



**USAID**  
FROM THE AMERICAN PEOPLE



# PRESS RELEASE

**დაუყოვნებელი გავრცელებისათვის**

14 აპრილი, 2014

საკონტაქტო ინფორმაცია:

თამარ ბაგრატია, პროგრამის საზოგადოებასთან

ურთიერთობის სპეციალისტი

საქართველოს ადგილობრივი თვითმმართველობის  
ეროვნული ასოციაცია

ტელ: 595 56-55-53; E-mail: [tbagrati@nala.ge](mailto:tbagrati@nala.ge)

## ტრენინგ პროგრამაში მონაწილე ადგილობრივი თვითმმართველობის მოხელეებს სერტიფიკატები გადაეცემათ

საქართველო, კაჭრეთი – 2014 წლის 14 აპრილს დაბა კაჭრეთში, სასტუმრო „ამბასადორში“, აშშ-ს საერთაშორისო განვითარების სააგენტოს (USAID) მიერ დაფინანსებული პროგრამის “საქართველოს რეგიონებში კლიმატის ცვლილებისადმი ადაპტაციისა და ზეგავლენის შერბილების ზომების ინსტიტუციონალიზაცია” ფარგლებში ტრენინგ-პროგრამის კურსდამთავრებულებს სერტიფიკატები გადაეცემათ.

სხვადასხვა მუნიციპალიტეტის 75 წარმომადგენელს ჩაუტარდა ტრენინგის ექვსი სესია მდგრადი სოფლის მეურნეობის, ნარჩენების მართვის, ენერგოეფექტურობის/განახლებადი ენერჯის, წყლის რესურსების მართვის, დაცული ტერიტორიების მართვისა და ბიომრავალფეროვნების შენარჩუნების, ბუნებრივი კატასტროფების რისკების შემცირების, წყალშემკრები აუზებში ბუნებრივი რესურსების ინტეგრირებული მართვის, გარემოსდაცვითი პროექტების შემუშავების და კლიმატის ცვლილებისადმი ადაპტაციასთან და მისი ზემოქმედების შემცირებასთან დაკავშირებულ სხვა აქტუალურ საკითხებზე.

ტრენინგების განხორციელების პერიოდში პროგრამამ ითანამშრომლობა შემდეგი გარემოსდაცვითი ორგანიზაციებთან და სახელმწიფო სტრუქტურებთან: კავკასიის გარემოსდაცვითი ქსელი (CENN), ენერგოეფექტურობის ცენტრი (CEE), „ნაკრესი“, “მწვანეთა მოძრაობა - დედამიწის მეგობრები”, USAID-ის პროგრამა: ბუნებრივი რესურსების ინტეგრირებული მართვა საქართველოს წყალშემკრები აუზებში, დაცული ტერიტორიების ეროვნული სააგენტო და გარემოს და ბუნებრივი რესურსების დაცვის სამინისტროს სხვა სტრუქტურებთან, საზოგადოებრივ საქმეთა ინსტიტუტთან (GIPA).

პროგრამა “საქართველოს რეგიონებში კლიმატის ცვლილებისადმი ადაპტაციისა და ზემოქმედების შერბილების ზომების ინსტიტუციონალიზაცია” მიმართულია საქართველოს ადგილობრივი თვითმმართველობების საქმიანობის დღის წესრიგში გარემოს დაცვითი და კლიმატის ცვლილებასთან დაკავშირებული საკითხების ინტეგრირებაზე. პროგრამა ითვალისწინებს ადგილობრივი თვითმმართველობების დონეზე კლიმატის ცვლილების და მდგრადი სოფლის მეურნეობის საკითხებზე მომუშავე სპეციალური ერთეულების შექმნას, რაც ხელს შეუწყობს ადგილობრივი თვითმმართველობების ფუნქციების განხორციელებას ბუნებრივი რესურსების მართვის, მიწარტსარგებლობის და მდგრადი განვითარების სფეროში. პროგრამა ხორციელდება საქართველოს ადგილობრივ თვითმმართველობათა ეროვნული ასოციაციის მიერ და მხარდაჭერილია აშშ-ს საერთაშორისო განვითარების სააგენტოს (USAID) მიერ.

აშშ-ს მთავრობა მხარს უჭერს აღნიშნულ ინიციატივას საქართველოში, როგორც მნიშვნელოვან ძალისხმევას საქართველოს ბუნებრივი რესურსების ეფექტური მენეჯმენტისა და დაცვისათვის.

###

**USAID საქართველოში:** ბოლო 20 წლის განმავლობაში, ამერიკელმა ხალხმა, USAID-ის მეშვეობით, 1.5 მილიარდ დოლარზე მეტი ოდენობის დახმარება გაუწია საქართველოს. USAID-ის პროექტები მიზნად ისახავს დახმარების განწევას საქართველოსათვის თავისუფალი და ძლიერი დემოკრატიის მშენებლობის პროცესში და მოიცავს ინიციატივებს, რომლებიც მიმართულია ეკონომიკური განვითარების დაჩქარებაზე, დემოკრატიული ინსტიტუტების განვითარებასა და ჯანდაცვისა და განათლების სისტემების გაუმჯობესებაზე. USAID უწევს ეკონომიკურ და ჰუმანიტარულ დახმარებას 100-ზე მეტ ქვეყანას. დამატებითი ინფორმაციისათვის ენვიტ ვებ-გვერდს: <http://georgia.usaid.gov>